

【網議政事】各反對黨派近期頻頻出招恐嚇香港市民，企圖拉倒「一地兩檢」。民主黨近日再拍片，稱在內地口岸區講吓敏感政治議題都會被行政拘留14天。「人民力量」議員陳志全伸誇張，直情話「西九變『大陸』」，有網民就批評反對派一味靠嚇，更質疑佢哋既然咁關心呢個議題，點解此前拒絕實地考察西九高鐵站，根本係怕無錯可挑，咁就有得繼續抹黑政府囉！

■香港文匯報記者 羅旦

民主黨此前拍片，在有可能侵權的情況下截取電影《屍殺列車》中的片段，侮辱內地執法人員係「喪屍」，即刻俾人鬧爆。近日，佢哋大概唔敢再「偷片」，於是拍咗一套動畫短片，內容繼續係抹黑「一地兩檢」，話只要喺內地口岸區講政治敏感議題就會被拉喇！

網民批又煽恐 疑理虧冇子彈

有網民就揶揄，各處地方各處例，去得人哋地方，梗係要遵守人哋嘅法例啦，又質疑如果佢哋去美國，入境時試吓大嚇「真主萬歲」會點？呢樣嘢實無關言論自由。而且，全世界所有關口都唔准示威，「一地兩檢」關口唔准示威有咩咁奇？更加講唔上咩影響示威自由啦。有人更批評，港鐵此前安排全體立法會議員考察西九總站，咁點解「白鴿」唔入去「篤爆佢」啫？唔唔通知自己講嘅嘢站唔住腳？

網民鬧爆民主黨再次靠嚇，試圖散佈恐慌。不過，都唔夠陳志全離譜。佢發帖講到好似成個西九都係執行內地法律：「現在不是回不回內地，而是西九變『大陸』」。擔心的市民可以不去西九？可惜，就算香港市民連九龍都唔過，「一地兩檢」破壞基本法所引發的災難，全香港人都無法逃避。」

好心啦，幾十歲人就唔好咁多幻想啦！特區政府已經講明，內地人員只可以喺內地口岸區執法，佢哋出入經過香港管轄範圍返工收工都要戴證，收工後仲要返內地，非常嚴謹。港鐵公司此前邀請全體立法會議員去參觀，讓各議員有機會模擬「一地兩檢」過關，過程嚴格，又點會成個西九「變內地」？可能佢都心知肚明，所以只得靠嚇。


# 拍片抹黑「一地兩檢」 亂噏「西九變『大陸』」 反對派拒考察 扮四條只靠嚇




新舊青症發病 腦補「官方解釋」

講到歪曲事實，激進「本土派」都唔啱。原屬「青年新政」的區議員鄭葆賢，近日同「青症雙邪」等分頭派反對「一地兩檢」的單張。佢哋fb上載咗一張相，其中帖文的標註就提到「阿叔聽完救火要點算跳軌當非法人入境就叫我唔好搞事」、「明明呢個係官方解釋嚟好不好」。

咩叫「官方答案」？保安局局長李家超此前已公開解釋，若有緊急事故發生，乘客需要離開屬「內地口岸區」的車廂逃生疏散，在該情況下，乘客不會被視作非法人入境，只是未辦理入境手續，其後入境事務處人員會替他們補辦手續。政府新聞處的「一地兩檢」問答，意思完全相同。咁佢到底係無知、罔顧事實，定係刻意為之嚇吓人？相信佢哋自己心知肚明。



■鄭葆賢聲稱火警時走落路軌就當非法人入境，仲作大話呢個係官方答案。fb截圖



■政府官方答案，冇咁講過囉鄭葆賢！佢一條冇睇官方消息，一條冇睇都繼續老作嘞。fb截圖



反對派心有鬼顧人怨

**Jack Pang**：你用電腦短片幻想托咩，今日比（界）你地（哋）入去實景（境）代市民優先睇，擺明比（界）你捉錯處又唔去！係驚冇錯處捉呀？

**Tsz Kai Chan**：點解一個政黨不去了解實際情況、問題。去建議政府改善，而只得反對！

**Albert Kwok**：民主黨連實地視察都不去，怎會知道詳情？有什麼資格說三道四？

**Wong Abele**：如果高鐵真係有「拉人去中國（內地）執法區」之危機，泛民更應該去，係（㗎）記

資料來源：fb留言

者面前一一踢爆。唔去實地考察原因，係心中有鬼。

**Li Siu Keung**：按照民主黨的圖像的解說，如果在加拿大機場內的US Departure的美國清關嗰一句「I.S」的話，會有什麼後果？你可以安全地返回來嗎？

**Jo Jo**：白鴿黨最叻就係恐嚇佢哋嘅選民！選民們你哋相信嗎？

**Chung Cheung**：如果唔係「一國兩制」，又何須「一地兩檢」？同樣，「一地兩檢」，正好反影（映）「一國兩制」運作良好。

整理：香港文匯報記者 羅旦

## 「本土肉女」網賣肉照 自我物化惹「狗」咬

【特稿】年輕女性身軀何價？網名「圓咕碌」的中文大學學生會幹事會前常務幹事黃于喬一直行「女權主義」路線，成日話人物化女性，但佢近日就話畀大家聽，佢嘅露肉照最平8蚊美金一個月就有得睇。話說佢唔抵得「熱青城」嗰人成日去Instagram睇佢嘅露肉照又評頭品足，反正都鍾意露，前日索性去一個付費睇相嘅網上平台開檔，界25蚊美金已經睇到佢嘅裸照。將身體當商品出售，今鋪自然又俾「熱青城」全面狂踩，「藍風凰」就一針見血話：「話自己女權分子，轉頭就賣弄女性身體，呢啲係咩女權分子？」

班激進「本土派」搵水其實都幾有計，有「眾籌」啦、「課金」啦，總之就係冇單有據佢哋自己食咗幾多都唔知。一向都有露肉癮嘅圓咕碌，之前已經放過嗰近乎裸上半身嘅相出嚟，之後又呻俾麻甩佬吸了，向網民展示自己胴體之後，又可以大談自己女權主義嘅說法，可能佢都覺得幾過癮。

戴頭盔玩三級 有裸照有迷片

近日，佢可能唔抵得成日俾「熱青城」嗰人偷佢圖去周圍唱，又或者覺得呢條都係財路嘅，就去咗一個付費睇相嘅網上平台開檔：「有時d（啲）相覺得幾靚，不過要upload（上載）都係好滑，香港人個尺度太低，性格太八，鍾意睇人pk，鍾意羞辱人，嚴正考慮d（啲）真係睇嘅相要收費睇，免得班人一路免費睇一路嘈嘈嘈（會窮）。」

然後佢仲自己整咗個三級制plan（計劃），第一級係界8蚊美金一個月，可以睇到佢嘅「獨有照片」，第二級就25蚊美金一個月，有「更大膽照片及影片」，第三級40蚊美金一個月，叫做「All You Can Experience（所有你可以體驗的）」。佢前晚凌晨正式開檔，並且已經貼咗自己第一張裸照

出嚟喇。

對於呢種行為，真係平時露肉肉、着剩條底褲去主持嘅「熱狗」都唔夠佢嚟，而見到自己嘅死敵「自甘墮落」，「熱青城」中人當然唔放過力踩圓咕碌嘅機會。

狗寸「肉金女權」自己「賣肉乞金」

「藍風凰」就喺facebook出文話：「話自己女權分子，轉頭就賣弄女性身體，呢啲係咩女權分子？」親「熱狗」嘅「Lavander Toulouse」亦揶揄：「已經有人可以阻止到佢賣肉賺錢了。以前有個笑話：女大學生做雞=不知羞恥；妓女兼職讀大學=勤奮上進。現在改成：妓女賣肉賺錢=物化女性；女權份（分）子賣肉賺錢=身體自主。」「陳四」亦整咗個簡潔版嘅批評話：「當影性感相俾人話大波：物化女性。當影性感相收錢俾（界）人睇：勞動光榮。」

都有人關心咁樣做對讀中大法律嘅圓咕碌有咩影響。「Pen Lo」就問：「佢係咪唔想考牌了？」「Lee Sandy」直接踩話：「你話唔都中大law，個價咁平做爛屌（市）阿×你……」

大家都估緊圓咕碌之後會點回應。「Kei Hing Lee」就話：「轉頭又話係社會實驗信唔信？」「Man Yue LO」就講：「等睇佢賣完裸照，又唔肯認係賣淫。」「King Leung」就仔細回應：「當有人指出佢道德問題，佢就話人保守。當有人話佢同做裸模一樣，佢就話唔好侮辱『所有女性』，要尊重『所有女性』，捍衛女權。其實根本無人走去話理其他女性，人哋只係話佢一個，佢就拉埋『所有女性』落水。」

其實，呢種行為為普遍大眾都唔係咁接受，但始終係「明買明賣」，而「熱狗」等人就有咩資格話人囉，一句講晒：「笑什麼，你也是賣肉做直播等課金。」

■香港文匯報記者 甘瑜



■同其他激進「本土派」唔同，黃于喬唔搞眾籌，走去出賣肉照，就真係幾有生意頭腦。網上截圖

網民mean爆另類「身體自主」

**Kube Yung**：身體自主自己身體自己賣。

**David Lee**：嘩，網絡賣淫？

**Gum Chan**：呢啲叫身體自主經營，你識咩丫（ㄟ）。

**Ka Wai Lou**：女權份（分）子賣肉賺錢=自我物化。仲衰過所謂「被人物化」。除非佢俾人睇完咁（啲）相會性興奮，否則唔好同人講咩「身體自主」。

資料來源：fb留言

整理：香港文匯報記者 甘瑜

■有網民流出黃于喬收費照的「樣本」。fb圖片

香港文匯報訊（記者 鄭治祖）被DQ的「濱誓四丑」中的「長毛」梁國雄，當然想參加未來的補選博翻身，遂繼續以其他身份進出立法會及發言保持曝光率。近日，在立法會討論大嶼山北設立新航道聽證會時，他就以「市民」身份出席，更為求「語出驚人」，無故聲稱「政府撥出數以十億計公帑補貼漁民」云云。漁農界立法會議員何俊賢對此極為不滿，即去信政府要求澄清，並在fb直播批評長毛胡說八道，傷害業界、傷害香港。

喪搞事博出位 亂噏巨額補貼

何俊賢在直播片段中指出，立法會經濟發展事務委員會上月21日舉行「於大嶼山北面設立新主要航道」公聽會時，長毛大放厥詞稱：「嘩！其實我哋政府呢，界出去幫漁民呢係數以十億計嘅錢嚟嘅，年年都係咁樣！」其後，他更透過facebook繼續散播謠言，稱「政府實際上已撥出數以十億計公帑補貼漁民」云云。

何俊賢指，長毛「言之鑿鑿」，令漁民代表及業界人士均感驚訝與疑惑，他遂去信食物及衛生局，要求對方澄清是否除「申請過程極為困難的」5億元「漁業持續發展基金」，及「漁業發展貸款基金」，和1億多元的休漁期貸款基金等金額低、須連本帶息還款的基金外，還有所謂的「數以十億補貼」。當局於上月回覆，當局只有上述的貸款，並無任何補貼項目。

何俊賢批評，長毛任立法會議員時，經常中傷其政治對手以達到某些政治目的，是次竟向漁農界「撩事生非」，對業界造成傷害，故自己不能不公開反駁。他估計「濱誓四丑」都計劃參加立法會補選，類似的惡意中傷言論相信將會排山倒海而至，希望市民保持頭腦清醒，不要被矇騙甚至利用。

長毛造謠辱漁界 何俊賢舉證駁斥

## 追數DQ四丑研理據 外國例未必適用

香港文匯報訊（記者 鄭治祖）「濱誓四丑」被DQ後，立法會正研究追討其議員薪酬及津貼的問題。立法會主席梁君彥昨日在接受網台訪問時表示，雖然外國已有成功追討的經驗，但未必適合香港的情況，故需要詳細研究法律理據，包括考慮聘請外間的資深大律師提供有關的法律意見。

梁君彥被問及追討「濱誓四丑」的薪津進度時指出，4人已做了1年的議員，需要小心處理有關計算方法。為此，立法會行政管理委員會在上周已同意聘請外間的資深大律師研究有關問題，並將研究資深大律師意見後再作決定。

度時指出，4人已做了1年的議員，需要小心處理有關計算方法。為此，立法會行政管理委員會在上周已同意聘請外間的資深大律師研究有關問題，並將研究資深大律師意見後再作決定。

今日香港天氣預測

2017年8月5日星期六

未來四日天氣預告

早上有幾陣驟雨，日間部分時間有陽光

氣溫：27℃-32℃ 濕度：70%-95%

潮漲：06:27(2.1m) 21:09(1.4m)

潮退：14:29(0.7m) --

日出：05:56 日落：19:02

6/8(星期日)

氣溫：28℃-33℃ 濕度：65%-90%

大致天晴

日間天氣酷熱

7/8(星期一)

氣溫：29℃-33℃ 濕度：65%-85%

大致天晴

日間天氣酷熱

8/8(星期二)

氣溫：28℃-33℃ 濕度：65%-90%

局部地區有驟雨

日間天氣酷熱

9/8(星期三)

氣溫：28℃-32℃ 濕度：75%-95%

部分時間有陽光 有幾陣驟雨

空氣質素健康指數	
一般監測站#	
明日上午:	低至中
明日下午:	低至中
路邊監測站*	
明日上午:	低至中
明日下午:	低至中
1-3	低 一般空氣質素監測站
4-6	中 設於中西區、深水埗、東區、觀塘、葵涌、荃灣、大埔、沙田、東涌、元朗、屯門、塔門、將軍澳
7	高
8-10	甚高
10+	嚴重

中國各大城市天氣預測				大連				呼和浩特				南寧				烏魯木齊			
城市	最低	最高	預測	城市	最低	最高	預測	城市	最低	最高	預測	城市	最低	最高	預測	城市	最低	最高	預測
北京	25℃	32℃	雷暴	貴陽	21℃	29℃	驟雨	昆明	18℃	31℃	驟雨	上海	28℃	35℃	有雨	武漢	27℃	35℃	驟雨
長春	22℃	30℃	雷暴	海口	26℃	34℃	雷暴	蘭州	19℃	32℃	天晴	瀋陽	23℃	31℃	驟雨	西安	26℃	39℃	天晴
長沙	29℃	38℃	天晴	杭州	28℃	37℃	雷暴	拉薩	13℃	25℃	有雨	石家莊	26℃	36℃	多雲	廈門	26℃	34℃	天晴
成都	25℃	33℃	密雲	哈爾濱	19℃	30℃	雷暴	南昌	28℃	36℃	天晴	台北	28℃	35℃	密雲	西寧	14℃	27℃	多雲
重慶	28℃	38℃	多雲	合肥	27℃	35℃	雷暴	南京	28℃	35℃	雷暴	太原	20℃	32℃	驟雨	銀川	19℃	29℃	雷暴
												天津	28℃	34℃	雷暴	鄭州	27℃	37℃	天晴
世界各大城市天氣預測				馬尼拉				悉尼				倫敦				檀香山			
城市	最低	最高	預測	城市	最低	最高	預測	城市	最低	最高	預測	城市	最低	最高	預測	城市	最低	最高	預測
新德里	27℃	41℃	雷暴	新加坡	25℃	34℃	雷暴	阿姆斯特丹	11℃	14℃	有雨	馬德里	8℃	21℃	有雨	洛杉磯	14℃	27℃	天晴
曼谷	26℃	33℃	雷暴	東京	16℃	25℃	多雲	莫斯科	7℃	21℃	有雨	莫斯科	7℃	21℃	有雨	紐約	23℃	32℃	雷暴
河內	21℃	24℃	毛毛雨	墨爾本	11℃	19℃	有雨	雅加達	26℃	34℃	多雲	巴黎	10℃	17℃	雷暴	三藩市	11℃	25℃	天晴
吉隆坡	25℃	34℃	雷暴					法蘭克福	15℃	18℃	有雨	羅馬	16℃	27℃	密雲	多倫多	11℃	17℃	天晴
								內瓦	11℃	14℃	有雨	美洲				溫哥華	9℃	17℃	多雲
								里斯本	12℃	22℃	天晴					華盛頓	22℃	32℃	雷暴